

## Die groß Walwurcz.

Schwarzwurcz / Beinwol.

**W**alwurcz ist zweyerley / die ein groß / vnd die ander klein / die groß hat alle tugenden wie Körbel / Kraut vnd Wurzel haben gleiche Krafft.

Gestossen / vnd auff die böse Blattern / gelegt / wie ein Pflaster / zeucht auß Syter / geliffert Blut von flossen oder fallen. Aber die klein gesotten mit Muls / reiniget die Leber. Vnd davon getruncken mit Wein /

stillt den Frauen ihren Fluß / auch die Wurzel gekawet / löschet den Durst.

## Walwurcz Wasser.

Allein die Wurzel zu Wasser gebrandt / mitten im Meyen / ist sehr gut getruncken den Gebrochnen / oder denen so ein Bein zerfallen / auff drey Loth Morgens / Mittags vnd Abends. Es vertreibt heisse Sicht / die Glieder darmit geriben / vnd mit Tüschern darüber gelegt / löschet das wild Feuer vertreibet die Geschwulst / stellet blutende Wunden mit Baumwoll darauff gelegt.



D hii

Ritterig